

(:)¹^v

Denen Ehren^s
vehften/ Großachtbarn/
Hochgelahrten/ Erbarn/ Hoch
vnd Wolweifen Herrn Bürger^s
meiftern vnd Rath der Stadt
Leipzig/ Meinem großgün^s
ftigen Herrn/ dienft^s
lichen dedicirt.
Durch
P. S. P.

(:)^{2r}

An den guther-
tzigen Lefer.

WAs diefe jetzo ne-
hefte verfloffene Jah-
re/ vnd noch zur zeit/
vor fchaden an dem

Rindvihe durch eine anfallende
Peftilentzifche feuche gefchehen/
iñ männlichen bewuft/ hat es
auc ein jeder Haußwirt/ fo Vi-
he vnterhelt (feinem Armut oder
Reichthumb nach) mit groffem
nachtheil erfahren.

Dieweil dann wol von nõ-
then gewefen were/ das jemand
derer fachen erfahren/ fonderlich
fo eine Haußnahrung mit Vihe
treibet (vnd alfo deñen mehr vr-
fach gehabt) der armen Thiere/

(:) ij vnd

(:)²^v

vnd demnad des Haußwirts
 beftes gefucht hette/ mir aber in
 hiefiger vnferer gegend/ auffer
 des Rathfchlags zu Wien/ von
 D. Diomedo Cornario, in druck
 vorfertiget/ nichts vorkommen/
 vnd daraus gleich vermercket/
 das er es bey dem diateffaron (in
 den Apotecken bräuchlich) deß=
 gleichen bey der Waßerbathe=
 nig/ Lungenkraut/ Odermân=
 nig/ Hindleufft/ vnd Lorbeern
 vnter das Futter zu mengen/
 auch bey dem Räuchwerck/ von
 Wacholderholtz mit Bäch be=
 fchmieret/ bleiben leffet/ fond vor=
 nemlich den Hirten vnnd Wei=
 bern die eigentliche Cur anheim
 fchiebet/ fonften aber/ wie man=
 cherley vngereimbte fachen die
 armen Haußwirte aus den A=
 pote=
 pote=

(:)^{3r}

potecken abfordern laffen/ erfah
ren/ hab ich vor rathfam geacht/
etliche Capitel des Vegetij, nach
dem Buchftaben (erheblicher
vrfachen halben) zu verdeut-
fchen/ beydes von der Roffe vnd
Rinder flechtenden Peftilentzi-
fchen feuchen/ in deme der Roffe
Kranckheiten weitleufftiger von
jhm befchrieben werden/ vnd der
Rinder anfallende feuchen alfo
defto baß erklären. In des Gef-
neri deutſchen Thierbuch aber/
fo wol auch bey dem Heresba-
chio (vor der zeit) lib. 2. de re
ruftica, nur das ander Capitel
des dritten Buchs Vegetij in
acht genommen worden. Vnd
leſet es jhm zwar Vegetius fehr
angelegen fein/ zu beweifen/
das die Cur der Thiere nicht

(:) iij vor

(:)^{3v}

vor gering zu achten. Dieweil
gleich wie die Thiere nad dem
Menfchen die erfte ftelle haben/
alfo auch billich nach der Medi-
cin die Veterinaria: vnd fie auch
am Leibe vnd Kranckheiten nicht
falt vngleich fein/ derhalben
auch falt einerley Artzney erfor-
dern: Zu dem keine wiffenfchafft
je einiger fachen zu verachten/
alfo defto weniger der Thiere ire
gesundheit: Vber das/ do es ei-
nem Medico rhûmlic fey/ da er
einem Menfchen/ der fein anli-
gen weifen vnd verftändlich an-
zeigen kan/ râthlich erfcheinet/
wie viel mehr/ do er einem ftum-
men Thiere behûlfflich ift: Er
gefchweiget/ was vor ſchaden
alfo verhûtet/ dargegen wie viel
frommens in Kriegs (daher fie
armen

(:)^r4^r

armenta ab armis) vnnd frie-
 denszeit (daher sie iumenta à
 iuuando, oder armenta ab aran-
 do, genennet worden) verchafft
 werde/ wie gerne ein jeder sich
 schõner Thiere befleißet/ etc. Wel-
 des dann alles an ihm selbsten
 rictig vnnd wahr/ aber in den
 Schulen kurtz vnnd deutlicher
 erkläret wird. Das nemlich
 der Artzney Subiectum nobili-
 us der Mensch sey/ aber das Sub-
 iectum adæquatum, viuens ani-
 matum. Daher dann die vor-
 trefflichen Leute/ Aristoteles,
 sein Discipel Theophrastus. Pli-
 nius, Columella, vnnd andere
 (sonderlich jetzo zu vnserer zeit)
 viel mehre/ sich der Kräuter/ vnd
 Thieren Kranckheiten vnd Artz-
 neyen zu beschreiben/ nicht ge-
 (:)^r iij sche

(:)^{4v}

fchemet. Denen dann Vegetius
gefolget/ vnd vier Bücher von
der Roß/ Maulthier vnd Rin
der Kranckheiten/ auch derer
mitteln aus den bewerteten al
ten Scribenten nicht allein zu
fammen getragen/ sondern auch
derer die meisten mit groffen vn
kosten verfuchet/ vnd ihre wir
ckung erfahren. Aus wel
chen ich alleine die anfallende
Pestilentziſche feuchen jetzo in
vnter Deutſch bringen wollen/
verhoffende/ das die jenigen/ ſo
der Artzney etwas kündig/ nach
gelegenheit der feuche vnd jhrer
zufälle eine gute nachrichtung
haben ſollen/ denſelben aus ei
nem beſſern grund zu begegnen.
Es were zwar leicht gewefen
die Recept (wie man ſie nennet)
nach

(:)^{5r}

nach der gemeinen art abzufe-
tzen/ aber ich habe einen Analogis-
mum (fo zu reden) einem jedern
an feinem orte/ billich frey ftel-
len follen. Weches alles der
günstige Lefer vermer-
cken wird/ vnd do er viel from-
mens daraus (vieder zuver-
ficht) nicht fchöpfen würde/
doch den guten willen jhm zu
dienen/ nach dem alten Sprich-
wort/ für die That an
vnd aufnehmen.

(:) v

AD